

Markosen txarrix (Herrikoia)

Markosek egin eban
lastozko zubixe
bertatik pasatzeko
bera ta txarrix
hasi ziran pasatzen
jausi zan zubixe
Markosek hartu eban
kristoren ostixe.

Errekatik urten zan
goraino bustirik
gainera sikatzeko
ez zan eguzkirik,
egindañoarekin
guztiz damuturik
berriz ez dau egingo
lastozko zubirik.

Horrelaxe hil jako
makina bat pizti,
baina aurrera doa
euri zein eguzki,
berari bardin jako
busti zein ez busti
errekan zehar doa
txarri eta guzti.

Erreka baztarrean
guardarekin kezka
lizentzi barik egin
ete dauen peska,
eskuak gora jasoz
Markosen protesta:
"Hau neure txarrix da
arrankarixe ez da".

Erreka pasa eban
berak ozta, ozta,
gero guarda dala-ta
txarri horrek ospa,
Markos bere atzetik
mekaguen dioska:
"Erreka pasatzea
ez jat gitxi kosta".

Markosen txarrix zan
artoz hasitakoa
San Martinetarako
beremizikoa,
berari alde eginda
hor igesi doa:
Agur Solomo eta
urdaiazpikoa.

Txarrix maite eban
eta ez besterik
munduan ez zegoen
holako piztirik,
pentsatzen dago hilda
ala dan bizirik
txarrix topau ezin
holako ostirik.

Bere txarrixen bila
behera eta gora
igesi egin deitso
ta ez daki nora
eta pentsamentu hau
datorko gogora:
"Gatzelaskaren baten
gordeta egongo da"